



Llywodraeth Cymru  
Welsh Government

---

## DATGANIAD YSGRIFENEDIG GAN LYWODRAETH CYMRU

---

**TIEITL** Rheoliadau Pysgodfeydd Môr (Diwygio etc.) (Rhif 2) 2021  
**DYDDIAD** 21 Rhagfyr 2021  
**GAN** Lesley Griffiths AS, Y Gweinidog Materion Gwledig a'r Gogledd,  
a'r Trefnydd

### Rheoliadau Pysgodfeydd Môr (Diwygio etc.) (Rhif 2) 2021 ("Rheoliadau 2021")

#### Trosolwg Polisi o'r OS:

Nod Rheoliadau 2021 yw diwygio deddfwriaeth yr UE a gadwyd sy'n ymwneud â physgodfeydd môr. Maen nhw'n:

- estyn, o ran amser a'r fanyleb dechnegol, yr eithriadau i'r gofynion i lanio dalfeydd a ddaliwyd heb eisiau.
- estyn y defnydd o raglen amlflwydd ar gyfer casglu a rheoli data pysgodfeydd.
- gwneud diwygiadau i reoliadau pysgodfeydd Draenogiaid Môr.
- dirymu tymor caeedig statudol ar bysgodfeydd llymriod.
- diweddarau mesurau i fynd i'r afael â physgota anghyfreithlon, physgota heb ei gofnodi a physgota heb ei reoleiddio.

#### Y Gyfraith sy'n cael ei diwygio:

- Rheoliad Dirprwyedig y Comisiwn (UE) Rhif 1393/2014 sy'n sefydlu cynllun taflu pysgod yn ôl ar gyfer rhai pysgodfeydd pelagig yn nyfroedd y gogledd-orllewin;
- Rheoliad Dirprwyedig y Comisiwn (UE) Rhif 1395/2014 sy'n sefydlu cynllun taflu pysgod yn ôl ar gyfer pysgodfeydd pelagig bach a physgodfeydd dibenion diwydiannol ym Môr y Gogledd;
- Rheoliad Dirprwyedig y Comisiwn (UE) 2019/2238 sy'n nodi manylion sut i gyflawni'r rhwymedigaeth lanio ar gyfer rhai pysgodfeydd dyfnforol ym Môr y Gogledd ar gyfer y cyfnod 2020-2021;
- Rheoliad Dirprwyedig y Comisiwn (UE) 2019/2239 sy'n nodi manylion y rhwymedigaeth lanio ar gyfer rhai pysgodfeydd dyfnforol yn nyfroedd y Gogledd-orllewin ar gyfer y cyfnod 2020-2021;

- Penderfyniad Gweithredu'r Comisiwn (UE) 2019/909 sy'n sefydlu'r rhestr o arolygon a throthwyon ymchwil gorfodol at ddibenion rhaglen amlflwydd yr Undeb ar gyfer casglu a rheoli data yn y sectorau pysgodfeydd a dyframaethu;
- Penderfyniad Dirprwyedig y Comisiwn (UE) 2019/910 yn sefydlu rhaglen amlflwydd yr Undeb ar gyfer casglu a rheoli data biolegol, amgylcheddol, technegol a chymdeithasol-economaidd yn y sectorau pysgodfeydd a dyframaethu;
- Rheoliad (UE) 2019/1241 — gwarchod adnoddau pysgodfeydd a diogelu ecosystemau morol drwy fesurau technegol;
- Rheoliad y Cyngor (UE) 2020/123 ar 27 Ionawr 2020 yn pennu ar gyfer 2020 y cyfleoedd pysgota ar gyfer rhai stociau pysgod a grwpiau o stociau pysgod, sy'n gymwys yn nyfroedd yr Undeb ac, ar gyfer llongau pysgota'r Undeb, mewn rhai dyfroeddy tu allan i ddyfroedd yr Undeb;
- Rheoliad y Comisiwn (UE) Rhif 468/2010 sy'n sefydlu rhestr yr UE o gychod sy'n pysgota'n anghyfreithlon, heb ei gofnodi a heb ei reoleiddio.

## Diben y gwelliannau

Mae Rheoliadau 2021 yn gwneud diwygiadau i gyfraith yr UE a gadwyd ym maes pysgodfeydd môr. Mae rhestr cychod pysgota anghyfreithlon, heb eu cofnodi a heb eu rheoleiddio ("IUU") y Deyrnas Unedig wedi'i chynnwys yn Rheoliad y Comisiwn (UE) Rhif 468/2010 a gadwyd. Mae Rheoliadau 2021 yn diwygio'r rhan o'r rhestr sy'n nodi'r cychod a gynhwysir yn y rhestrau cychod pysgota IUU sy'n eiddo i'r cyrff rheoli pysgodfeydd rhanbarthol ("RFMOs"). Mae'r diwygiadau'n ychwanegu cychod at restr y DU i sicrhau bod y DU yn cynnal rhestr sy'n cynnwys yr holl gychod perthnasol a nodwyd gan RFMOs ac sy'n bodloni ei rhwymedigaethau i'r RFMOs y mae'n aelod ohono.

Mae'r 'rhwymedigaeth lanio' (y gofyniad i lanio dalfeydd o rai stociau pysgod a'u cyfrif yn erbyn cwota) wedi'i chynnwys yng nghyfraith yr UE a gadwyd ac mae pedwar Rheoliad cyfraith ychwanegol yr UE a gadwyd yn rhodi'r rhai sydd wedi'u heithrio o'r rhwymedigaeth lanio – sef y 'cynlluniau taflu yn ôl (discard plan)' fel y'u gelwir. Mae Rheoliadau 2021 yn diwygio'r cynlluniau i'w hestyn tan ar ôl diwedd 2021, pan roeddynt i fod i ddod i ben, ac i wneud diwygiadau i eithriadau unigol yn seiliedig ar gyngor gwyddonol.

Mae Penderfyniad Gweithredu'r Comisiwn (UE) 2019/909(1) a Phenderfyniad Dirprwyedig y Comisiwn (UE) 2019/910 gyda'i gilydd yn nodi'r rhaglen amlflwydd ar gyfer casglu a rheoli data pysgodfeydd. Mae Rheoliadau 2021 yn diwygio'r Penderfyniadau hynny i'w hestyn tan ar ôl diwedd 2021, pan roeddynt i fod i ddod i ben.

Mae Rheoliadau 2021 yn gwneud mân ddiwygiad i Rheoliad (UE) 2019/1241 i gynyddu'r gofyniad o ran maint rhwyll ar gychod sy'n pysgota am ddraenogiaid môr yn ardal ICES 7d yn Sianel Lloegr. Arferai'r ddarpariaeth berthnasol nodi'r gofyniad am faint rhwyll o 90mm ar gyfer rhai gweithgareddau pysgota yn ardal 7d ond mae'r Rheoliadau hyn yn cynyddu maint lleiaf y rhwyll i 100mm wrth bysgota am ddraenogiaid gan ddefnyddio rhwydi statig.

Mae Rheoliadau 2021 hefyd yn diwygio Rheoliad y Cyngor (UE) 2020/123 i ddiweddarau'r darpariaethau sy'n rheoleiddio gweithgareddau pysgota am ddraenogiaid môr. Diben y diwygiadau'n rhannol yw estyn defnyddio'r mesurau pysgota tan ar ôl diwedd 2021, pan roeddynt i fod i ddod i ben. Maent hefyd yn cynyddu'n gyffredinol y terfynau taflu yn ôl ar gychod sy'n defnyddio treillrwydi a rhwydi sân. Mae'r diwygiadau i Rheoliad y Cyngor (UE) 2020/123 hefyd yn dirymu darpariaethau sy'n ymwneud â physgota am lymriod sydd bellach wedi dod i ben.

Mae'r OS a'r Memorandwm Esboniadol cysylltiedig, sy'n nodi effaith pob diwygiad ar gael yma: [The Sea Fisheries \(Amendment etc.\) \(No. 2\) Regulations 2021 \(legislation.gov.uk\)](https://www.legislation.gov.uk)

## **Unrhyw effaith y gall yr OS ei chael ar gymhwysedd gweithredol Gweinidogion Cymru**

Mae pob un o'r rheoliadau a gadwyd sy'n cael eu diwygio yn rhoi dyletswydd ar yr SoS i gael caniatâd pob un o'r llywodraethau datganoledig cyn gwneud rheoliadau i'r graddau bo'r rheoliadau hynny o fewn eu hawdurdodaeth. Felly, nid oes unrhyw effaith ar gymhwysedd gweithredol Gweinidogion Cymru yn hyn o beth ac nid oes unrhyw rwystr ar i Weinidogion Cymru ddeddfu ar wahân mewn perthynas â Chymru yn y meysydd rheoleiddio hyn. Er mwyn diwygio Rheoliadau 2021, bydd gofyn i'r SoS a Gweinidogion Cymru weithredu ar y cyd.

## **Unrhyw effaith y gallai'r OS ei chael ar gymhwysedd deddfwriaethol Senedd Cymru**

Nid yw'r OS yn cael unrhyw effaith ar gymhwysedd deddfwriaethol y Senedd Cymru.

## **Pam y rhoddwyd caniatâd**

Nid oes gwahaniaeth barn rhwng Llywodraeth Cymru a Llywodraeth y DU ar y materion polisi sy'n cael eu hystyried. Felly, byddai gwneud OSau ar wahân yng Nghymru a Lloegr yn arwain at ddyblygu a chymhlethdod diangen yn y llyfr statud. Mae cydsynio i OS DU gyfan yn sicrhau bod yna un fframwaith deddfwriaethol ledled y DU sy'n hyrwyddo eglurder a hygyrchedd, yn enwedig i bysgotwyr sy'n ddarostyngedig i'r rheoliadau ac sy'n aml yn mynd ar draws ffiniau datganoledig yn ystod eu gwaith bob dydd. O dan yr amgylchiadau eithriadol hyn, mae Llywodraeth Cymru o'r farn ei bod yn briodol i Lywodraeth y DU ddeddfu ar ein rhan yn yr achos hwn.